



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1729. usque ad annum 1731

Fleury, Claude

August. Vind. [u.a.], 1785

VD18 13322648

§. 17. Continuatio ludicæ scænæ ad Parisii tumultum.

[urn:nbn:de:hbz:466:1-67677](https://nbn-resolving.org/urn:nbn:de:hbz:466:1-67677)

Sæc. XVIII. cujus Sancti intentaretur. Præterea
 A. C. 1731. libellorum Auctores statuebant, pro ad
 discenda fidei nostræ Regula nec ad
 Sedem Apostolicam nec ad Pastorem
 Cætum, esse recurrendum; fidei enim
 veritates haud amplius per Apostolo-
 rum, eorumque Successorum ministri-
 rium cunctis Nationibus innotescere,
 illam duntaxat esse veram fidei doctri-
 nam, quæ ex sepulcro Abbatis Parisi
 disceretur, proin ad hunc pro obtinenda
 a Deo vera intelligentia esse recurren-
 dum. Nempe nil magis commune est
 hæreticis, quam fidei suæ certitudi-
 nem in errorum suorum Auctoribus
 collocare. Porro fanaticos hosce libe-
 los ab Archiepiscopo Parisiensi fuisse
 damnatos, eorumque lectionem indigne
 anathematis pœna omnibus prohibita,
 jam supra memoravimus.

§. XVII.

*Continuatio ludicræ scenæ ad Parisi-
 tumulum.*

Appellantes ad Pastorem sui vocem
 surdi, unice intenti erant, ut in
 suo Parisi novum sectæ Thaumatur-
 gum ubique proclamarent; haud ex-
 guum enim factionis suæ incrementum
 ab eo sperabant Viro, qui in vita sua
 genuinum veri Quesnelistæ caracte-
 rem

Sæc. XVIII.
A. C. 1731.

rem expressit, & tamen post mortem miraculis inclaruit. Studiose igitur in ejus vitæ Historia inculcabant, quod Parisius singularem modestiam, morum severitatem, disciplinæ rigorem, solitudinis studium, & laxæ doctrinæ aversionem præfulerit: Nec obliviscerentur ejusdem Præcones memorare, quod multis ante obitum suam annis, etiam Paschali tempore a frequentanda S. Communionem abstinerit, necnon ex Conscientiæ teneritudine Constitutionem *Unigenitus* acerrime insectatus sit, generoso minarum contemptu suam appellacionem innovarit, & morti proximus intrepide declararit, quod in suo proposito constans usque ad extremum vitæ halitum perseveraturus esset. Hanc vivendi rationem tenuisse Parisium, solerter annotabant Appellantes, quæcum exacte eorum responderet principiis, extremos adhibuere conatus, ut illam miraculis quoque comprobata esse fingerent: Per gradus tamen credulæ plebi hanc opinionem instilandam esse censebant; primo igitur post Parisii mortem rudiores ex omni ætate & sexu ad frequentandum Thaumaturgi sui sepulcrum incitabant, postea ad occultandam nequitiam novennas devotiones institui curarunt: demum frequenti, ac promiscuo hominum concursu

Sæc. XVIII. cursu sic conciliato, facile erat, quod
 A. C. 1731. dam dato auro & argento corrupere
 ut se gravi quadam ægritudine oppre-
 sos fingerent; seque ad Parisii tumulum
 a morbo liberatos mentirentur. Tam
 prosper artificiosæ deceptionis succo-
 sus quosdam sectæ Presbyteros animo
 vit, ut psalmorum cantum ad novum
 sancti sepulcrum utriusque sexus vo-
 bus successive alternarent: Non deerant
 maximo numero mendici, qui conducti-
 tia opera se gravissimis morbis affectis
 dictitabant, & miras membrorum cor-
 vulsiones simulabant. Videbantur tam
 furioso corripi enthusiasmo, ut ratio-
 nis impotes cunctis membris contum-
 miscerent, sese vehementissimo impetu
 in terram projicerent, caput & occu-
 pum in credibili celeritate agitent, & ve-
 nimibus haud ab similes caput in gyrum
 usque ad pedes intorquerent, maxime
 vero sese præcipiti impetu ope cujus-
 dam trochleæ sub vestibus occultatis
 in altum extollerent, ac demum se-
 dere ubertim effuso suæ infirmitatis
 lenimen sentire mentirentur. Alii ce-
 pite in murum alliso manus & pedes
 vi extendi, pedibus eonculcari, & ce-
 pite deorsum suspendi petebant, non
 pauci vel pugno vel vola manus verberari,
 alii dorsum, stomachum, lumbos,
 & femora fustibus dedolari posside-
 labant.

labant, fingentes, se hac ratione ex morbi sui vehementia nonnihil recreari. Ad histrionicos hosce ludos quotidie ac singulis horis confluxerant pene innumeri, & tota ferme Parisina Civitas prodigiorum, quæ jactabantur testem agere videbatur: Ipsa etiam Ecclesia S. Medardi in publicum gesticulatorum theatrum transformabatur, in quo Religioni indignissime illusum, & verius illius miracula in derisionem & contemptum versa fuere. Porro Clemens Papa vitam Diaconi Parisii cunctosque libellos, quibus ejus sanctitas & miracula asserabantur, die 22. Aug. per S. Inquisitionis decretum proscripsit, præcepitque sub anathematis poena, ut extractum e tumulo ejus cadaver in occulto loco sepeliretur.

§. XVIII.

Varium judicium de prætensis hisce prodigiis.

Singulari animi lætitia in jactitatis Parisii miraculis exultabant quidem Jansenistæ, ostentantes, causæ suæ æquitatem ipsius Cæli suffragio comprobari: non tamen omnes Appellantes & Jansenistæ hisce gesticulatoribus, qui *Convulsionistæ* vocabantur, applaudebant; quinimo ex Jansenistis præcipui

Sæc. XVIII.
A. C. 1731.